

*“Ug kamo mangita kanako, ug makakaplag kanako, sa diha nga kamo mangita kanako uban ang inyong bugos nga kasingkasing.”*

# **Ang Matuod Nga Pagtugyan Ngadto Sa Dios**

## **Ang Matuod Nga Pagtugyan Ngadto Sa Dios**

Ingon nga si Abraham “higala sa Dios” tungod sa iyang pagtugyan ug pag-sugot sa Dios, ikaw usab karon makaduol pinaagi sa imong pagkahibalo sa Dios ug makasinati sa iyang kalooy, kalinaw, ug panalangin. Ang imong pagkahibalo sa Dios pinaagi sa imong matinud-anong pagtugyan ngadto kaniya pinaagi sa pagsalig mao ang labing mahinungdanon nga kasinatian sa kinabuhi. Pagkakahibulongan nga ang Dios nagpadayag sa iyang kaugalingon ngadto kanila nga nangita Kaniya sa bug-os nilang kasingkasing.

Kon ikaw motalikod sa imong kaugalingong dalan ug sa matinud-anon magatugyan sa imong kaugalingon ngadto sa Dios, ang iyang Espiritu magapuyo sa sulod nimo. Walay makapahimulag kanimo gikan sa iyang gugma samtang imong saligan ang Iyang mga saad ug sumunod ka Kaniya nga masinugtanon gayud. Mahimo Siya nga imong Dios, ug ikaw mahimong bahandi sa Iyang kaugalingon. Imong masusi nga ikaw diay Iyang gipalit sa usa ka dakung bili, ug boot Siya nga makig-ambitay kanimo—karon ug hangtud sa kahangturan.

Pangayo ug kaalam sa Dios samtang magatuon ka niining mga panid nga kinutlo gikan sa sa pulong sa Dios. Ang Dios nagadasig sa mga balaang tawo sa pagsulat niining mga pulonga ug sa kahibulongan nagatipig niini tadlas sa mga kaliwatan bisan pa man sa pagpaningkamot ni Satanas niini nga mahanaw unta.

Ang mga referencia sa Kasulatan ning tibuok librito o basahon kinutlo sa Biblia: Ang Balaod (Tora), ang Salmo (Sabur), ang mga sinulat sa mga profita o mga manalagna, ug sa Ebanghelyo (Enjel).

# Adunay Usa Lamang Ka Matuod Nga Dios 1

Deuteronomio 6:4b, 5

Si Jehova nga atong Dios, maoy usa lamang ka Jehova; Ug higugmaon mo si Jehova nga imong Dios sa bug-os mong kasingkasing, ug sa bug-os mong kalag, ug sa bug-os mong gahum.

1 Hari 8:60

Aron ang tanang mga katawohan sa yuta manghibalo nga si Jehova, siya mao ang Dios; wala nay lain.

Isaias 45:18

Kay kini mao ang giingon ni Jehova nga nagbuhat sa mga langit, ang Dios nga nag-umol sa yuta ug naghimo niini, nga nagtukod niini ug nagbuhat niini nga walay

nakawang, nga nagumol niini aron pagapuy-an: Ako mao si Jehova; ug wala nay lain.

Kamo mao ang akong mga saksi, miingon si Jehova, ug ang akong alagad nga akong napili; aron kamo makaila ug managtoo kanako, ug makasabut nga ako mao siya: una kanako walay Dios nga nahimo, ni aduna pay mosunod kanako. Ako, bisan ako, mao si Jehova; ug gawas kanako wala nay manluluwas.—Isaias 43:10, 11

Isaias 45:22

Tumotok kamo kanako, ug mangaluwas kamo, tanang mga kinatumyan sa yuta; kay ako mao man ang Dios, ug wala nay lain.

## Ang Dios Maluloy-on Ug Mapuanguron

Salmo 103:8, 11

Si Jehova maluloy-on man ug puno sa gracia, mahinay sa pagkasuko, ug madagayaon sa mahigugmaong-kalolot. Kay ingon nga ang mga langit hataas ibabaw sa yuta, ingon man kadaku ang iyang mahigugmaong-kalolot ngadto kanila nga may kahadlok kaniya.

Salmo 103:17a, 18b

Apan ang mahigugmaong-kalolot ni Jehova nagagikan sa walay katapusan ngadto sa walay katapusan ibabaw kanila nga may kahadlok kaniya, . . . Ug niadtong mga nahinumdom sa iyang mga lagda sa pagtuman kanila.

Miqueas 7:18

Kinsa ba, Oh Dios, ang usa ka Dios nga sama kanimo, nga makapasaylo sa kasal-anan, . . . kay siya nahamuot sa mahigugmaong-kalolot.

Lamentaciones 3:22

Tungod sa mga mahigugmaong-kalolot ni Jehova kita wala mangalaglag, kay ang iyang mga kalooy walay paghubas.

1 Cronicas 16:34

Oh paghatag pasalamat kang Jehova; kay siya maayo man; kay ang iyang mahigugmaong-kalolot nagapadayon sa walay katapusan.

Si Jehova sa kanhi pa nagpakita kanako, nga nagaingon: Oo, gihigugma ko ikaw sa usa ka gugma nga walay katapusan: busa uban sa mahigugmaong-kalolot gidani ko ikaw.

—Jeremias 31:3

Kay ako nahibalo sa mga hunahuna nga gihunahuna ko alang kaninyo, nagaingon si Jehova, mga hunahuna sa pakigdait, ug dili sa kadautan sa paghatag kaninyo ug paglaum sa inyong kaugmaon.

—Jeremias 29:11

Si Jehova nga imong Dios anaa sa imong kinataliwad-an, usa nga makagagahum nga magaluwas; siya magamaya tungod kanimo

uban ang kalipay; siya mopahilum diha sa iyang gugma; siya magamalipayon tungod kanimo uban ang pag-awit. —Sofonias 3:17

Kamo gihigugma ko, nagaingon si Jehova.

—Malaquias 1:2a

Sama sa usa ka amahan nga nalooy sa iyang mga anak, sa mao nga pagkaagi nalooy si Jehova kanila nga may kahadlok kaniya.

—Salmo 103:13

Tungod niini kita nahibalo ug nagatoo sa gugma nga ginabatonan sa Dios alang kanato. Kita nagahigugma, tungod kay siya mao man ang unang nahigugma kanato.

—1 Juan 4:16a, 19

## 4 Ang Kinadak-ang Butang Sa Kinabuhi Mao Ang Pagkahibalo Mahitungod Sa Dios

Daniel 11:32b

Apan ang katawohan nga nakaila sa ilang Dios mahimong makusganon; ug makakab-ut sa dagkung mga butang.

Jeremias 9:24

Apan pahimayaa siya nga naga-himaya niini, nga siya nakasabut ug nakaila kanako, nga ako mao si Jehova nga nagahatag sa mahigugmaong-kalolot, sa justicia ug sa pagkamatarung, dinhi sa yuta: kay niining mga butanga ako nahimuot, nagaingon si Jehova.

Deuteronomio 30:19b, 20a

Gibutang ko sa imong atubangan ang kinabuhi ug ang kama-

tayon, ang panalangin ug ang tunglo: busa pilia ang kinabuhi, ... sa paghigugma kang Jehova nga imong Dios; sa pagsugot sa iyang tingog, ug sa pagtaput kaniya; kay siya mao ang imong kinabuhi.

Bulahan sila nga nanagbantay sa iyang mga pagpamatuod, nga sa bug-os nilang kasingkasing nanagpangita kaniya. —Salmo 119:2

Ingon nga ang lagsaw nangandoy sa pagpangita sa tubig sa kasapaan, mao usab ang akong kalag nangandoy sa pagpangita kanimo, Oh Dios. —Salmo 42:1

# Ang Pagpuyo Nga Walay Kalabutan Ngadto Sa 5 Dios Makuyaw

2 Cronicas 15:2b

Si Jehova nagauban kanimo, ...ug kong inyong pangitaon siya, inyo siya nga hingkaplagan; apan kong inyo siya nga isalikway, iya usab kamong isalikway.

2 Pedro 2:9

Nan, ang Ginoo mahibalo sa pagluwas sa mga tawong diosnon gikan sa mga pagtintal, ug sa pagbantay nga ang mga dili matarung magapabilin ubos sa silot hangtud sa adlaw sa paghukom.

1 Samuel 12:15a

Apan kong dili kamo mamati sa tingog ni Jehova, kondili mosukol hinoon batok sa sugo ni Jehova,

nan ang kamot ni Jehova magabatok kaninyo.

Jeremias 17:9

Ang kasingkasing malimbongon labaw sa tanang mga butang, ug hilabihan gayud pagkautan: kinsay makasusi niini?

Adunay usa ka dalan nga daw matarung alang sa tawo, apan ang katapusan niana mao ang mga dalan sa kamatayon. —Prov. 16:25

Ang tawo nga dili magapabilin kanako, igasalibay siya sama sa sanga ug malaya; ug ang mga sanga pamuniton ug igaitsa ngadto sa kalayo ug mangasunog sila. —Juan 15:6

## **6 Ang Pagkahibalo Mahitungod Sa Dios Mao Ang Pagpangita Ta Kaniya**

**Jeremias 29:13**

Ug kamo mangita kanako, ug makakaplag kanako, sa diha nga kamo mangita kanako uban ang inyong bugos nga kasingkasing.

**Proverbio 2:4, 5**

Kong ikaw mangita kaniya ingon nga salapi, ug magapangita kaniya ingon sa tinipigan nga mga bahandi: Unya ikaw makasabut sa pagkahadlok kang Jehova, ug hi-kaplagan mo ang kahibalo sa Dios.

**Mateo 7:7**

Pangayò, ug kamo pagahatagan; pangita, ug kamo makakaplag; pagtuktok, ug kamo pagaablihan.

Ug kon walay pagtoo dili gayud mahimo ang pagpahimuot kaniya. Kay bisan kinsa nga magaduol sa Dios kinahanglan magatoo sa iyang pagkaanaa ug nga siya magabalus ra sa mga magapangita kaniya. —Hebreohanon 11:6

Ako nahagugma kanila nga nahagugma kanako; ug kadtong nagasingkamot sa pagpangita kanako, makakaplag kanako. —Proverbio 8:17

Si Jehova maayo alang kanila nga nagapaabut kaniya, alang sa kalag nga nagapangita kaniya. —Lamentaciones 3:25



Kay si Jehova nga inyong Dios puno sa gracia ug maloloy-on, ug dili magalingiw sa iyang nawong gikan kaninyo, kong kamo moba-lik kaniya. —2 Cronicas 30:9b

Kay ikaw, Oh Ginoo, maayo man, ug andam sa pagpasaylo, ug madagayaon sa mahigugmaong-kalolot alang niadtong tanan nga nanagsapit kanimo. —Salmo 86:5

Dumuol kamo sa Dios ug siya moduol kaninyo. —Santiago 4:8a

Umari kanako, kamong tanan nga nabudlay ug nabug-atan, ug papahulayon ko kamo. Isangon ninyo ang akong yugo diha kani-nyo, ug pagtuon kamo gikan ka-nako; kay ako maaghop ug

mapaubsanon sa kasingkasing, ug makakaplag kamog pahulay alang sa inyong mga kalag.

—Mateo 11:28, 29

Umari kamo karon, ug usahan ta paghusay, nag-ingon si Jehova: bisan pa ang inyong mga sala ma-pula, sila pagapution ingon sa nieve; bisan pa sila lubos mapula, sila mahimong sama sa maputing balhibo sa carnero. —Isaias 1:18

Si Jehova haduol kanilang tanan nga nanagsangpit kaniya, sa tanan nga nanagsangpit ka-niya sa kamatuoran.

—Salmo 145:18

Ug siya nga moari kanako dili ko gayud igasalikway. —Juan 6:37b

## Ang Dios Balaan

**Exodo 15:11a**

Kinsa man ang sama kanimo, oh Jehova, ... mahimayaon sa pagkabalaan.

**1 Samuel 2:2a**

Walay laing balaan sama kang Jehova; kay walay lain gawas kanimo.

**Job 34:10b**

Ipahalayo kana sa Dios, nga siya maghimo ug kadautan, ug ipahalayo sa Makagagahum, nga magbuhat siya ug kasalanan.

**Isaias 57:15a**

Kay kini mao ang giingon sa hataas ug sa Usa nga halangdon nga nagapuyo sa walay katapusan, kansang ngalan mao ang Balaan:

ako nagapuyo sa hataas ug balaan nga dapit.

Balaan, balaan, balaan, si Jehova sa mga panon: ang tibook nga yuta napuno sa iyang himaya.

—Isaias 6:3b

Si Jehova maoy matarung sa tanan niyang mga paagi, ug puno sa gracia sa tanan niyang mga buhat.

—Salmo 145:17

Walay bisan usa nga maayo gawas sa Dios lamang.

—Marcos 10:18b

Kinsa bay dili mahadlok ug dili magahimaya sa imong ngalan, O Ginoo? Kay ikaw mao lamang ang bugtong nga balaan.

—Pinadayag 15:4a

# Ang Katawhan Sa Dios Kinahanglan Magpuyo 9 Sa Kinabuhing Balaan

**Santiago 2:19, 20**

Ikaw nagatoo nga ang Dios usa ra; husto ka niana. Ngani bisan pa ang mga yawa nagatoo man usab—ug nagapangurog sa kali-sang. Apan, O tawong kulanku-lang, buot ka bang masayud nga walay kapuslanan ang pagtoo nga bulag sa binuhatan?

**1 Juan 3:10**

Maila kon kinsa ang mga anak sa Dios ug kinsa ang mga anak sa yawa pinaagi niini: bisan kinsa nga wala maghimog pagkama-tarung ug wala maghigugma sa iyang igsoon, kini siya dili iya sa Dios.

**Proverbio 15:9**

Ang dalan sa dautan maoy usa ka dulumtanan kang Jehova; apan iyang gihigugma kadtong nagasunod sa pagkamatarung.

**Hebreohanon 12:14**

Panglimbasugi ang pagpakig-dinaitay uban sa tanang tawo, ug ang pagkabinalaan nga kon wala kini walay bisan kinsa nga maka-kita sa Ginoo.

**1 Pedro 1:15**

Apan maingon nga balaan man siya nga nagtawag kaninyo, kinahanglan kamo usab magma-balaanon sa tanan ninyong pag-gawi.

## Mga Butang Nga Ipabuhat Sa Dios

Migueas 6:8b

Ug unsa ba ang gikinahanglan ni Jehova kanimo, kondili ang pagbuhat sa minatarung ug ang paghigugma sa kalolot, ug ang paglakaw nga mapinaubsanon uban sa imong Dios?

Marcos 11:22b

Sumalig kamo sa Dios.

Lucas 10:27b

Higugmaa ang Ginoo nga imong Dios sa tibuok mong kasingkasing, ug sa tibuok mong kagalag, ug sa tibuok mong kusog, ug sa tibuok mong hunahuna; ug ang imong silingan sama sa imong kaugalingon.

Marcos 10:19

Nahibalo ikaw sa mga sugo: Ayaw pagbuno, Ayaw pagpanapaw, Ayaw pagpangawat, Ayaw pagsaksig bakak, Ayaw pagpanikas, Tumahod ka sa imong amahan ug inahan.

Josue 1:8

Ayaw pag-ibulag kining basahon sa Kasugulin sa imong baba; hinonoa magpalandung ka niana sa adlaw ug sa gabii, aron himatngonan mo sa pagbuhat sumala sa tanan nga gisulat dinha: kay sa ingon niana ikaw magmauswagon sa imong panaw, ug unya makab-ut mo ang kauswagan.

Kay ako, si Jehova, nahagugma sa justicia, gidumtan ko ang pagpangawat. —Isaias 61:8a

## Pinadayag 21:8

Apan alang sa mga talawan, ug sa mga dili matinoohon, ug sa mga malaw-ay, alang sa mga mamomono, ug sa mga makihi-lawason, ug sa mga lumayan, ug sa mga magsisimbag mga diosdios, ug sa tanang mga bakakon, ang ilang bahin mao ang paghiadto sa linaw nga nagasi-laob sa kalayo ug asupri, nga mao ang ikaduhang kamatayon.

## Proverbio 6:16-19

Adunay unom ka butang nga gidumtan ni Jehova; Oo, pito nga

maoy dulumtanan niya: Mapa-hitas-ong mga mata, usa ka dila nga bakakon, ug mga kamot nga nag-ula sa dugo nga inocente; Usa ka kasingkasing nga nagalalang sa dautang mga tinguha, mga tiil nga matulin nga modalagan ngadto sa binilyako, usa ka bakakon nga saksi nga nagapamulong ug mga bakak, ug kadto nga nagapugas sa pagkalalis sa mga kaigsoonan.

## Malaquias 2:15b

Busa magbantay kamo sa inyong espiritu, ug ayaw itugot nga adunay usa nga magbuhat sa pagkamaluibon batok sa asawa sa inyong pagkabatan-on.

## Ang Katawhan Wala Makatuman Sa Panginahanglan Sa Dios

Juan 5:42

Apan ako nasayud nga diha kaninyo wala ang paghigugma alang sa Dios.

Santiago 2:10

Kay bisan kinsa nga magabantay sa kinatibok-an sa kasugoan apan makalapas siya sa usa ka bahin niini, siya mahimong malinapason sa tanan niini.

Busa, ang tawo nga nasayud unsay matarung nga pagabuhaton ug wala magabuhat niini, siya nakasala. —Santiago 4:17

Roma 3:10

Ingon sa nahisulat: Walay matarung, wala, bisan usa.

Sanglit nakasala man ang tanan ug nakabsan sa himaya sa Dios. —Roma 3:23

1 Juan 3:10b

Bisan kinsa nga wala maghimog pagkamatarung ug wala maghigugma sa iyang igsoon, kini siya dili iya sa Dios.

Isaias 53:6a

Kitang tanan sama sa mga carnero nanghisalaag; ang tagsa-tagsa kanato misimang sa iyang kaugalingon nga dalan.

1 Samuel 6:20b

Kinsa ba ang arang makatindog sa atubangan ni Jehova, kining balaan nga Dios?

## Ang Atong Mga Buhat Dili Makapahimoot Sa Dios 13

Sa diha nga ako moingon sa ta-wong matarung, nga siya sa pagkamatuod mabuhi; kong siya mosalig sa iyang kaugalingon nga pagkamatarung, ug magabuhat sa kadautan, walay usa sa iyang matarung nga mga buhat nga pagahinumduman; hinonoa diha sa iyang kasal-anan nga iyang nahimo, siya mamatay tungod niini. —Ezequiel 33:13

Roma 10:2, 3

Kay saksi ako nila nga sila adunay kasibut alang sa Dios, apan kini maoy kasibut nga wala duyogi sa kahibalo. Ug kay wala man silay hibangkaagan mahitungod sa pagkamatarung nga

nagagikan sa Dios, ug nagapanningkamot sa paghimo sa ilang kaugalingong pagkamatarung, wala sila magpailalum sa pagkamatarung nga iya sa Dios.

Isaias 64:6a

Kay kami nga tanan nangahimo nga ingon sa usa nga mahugaw, ug ang tanan namo nga pagkamatarung ingon sa usa ka saput nga nahugawan.

Roma 8:8

Ug ang mga anaa sa unod dili makapahimuot sa Dios.

Roma 3:20b

Kay pinaagi sa kasugoan nga abut hinoon ang kahibalo mahitungod sa sala.

# 14 Ang Sala Maoy Nakapahimulag Kanato Gikan Sa Dios

Roma 5:12

Busa, maingon nga ang sala misulod sa kalibutan pinaagi sa usa ka tawo ug ang kamatayon misulod pinaagi sa sala, ug nga tungod niini ang kamatayon mi-kuyanap ngadto sa tanang mga tawo sanglit ang tanang mga tawo nakasala man.

Ezequiel 18:20a

Ang kalag nga makasala, kini mamatay.

Isaias 59:2

Apan ang inyong mga kasal-anan maoy nakapahamulag ka-ninyo ug sa inyong Dios, ug ang inyong mga sala nakapatago sa

iyang nawong gikan kaninyo, aron siya dili makadungog.

2 Cronicas 24:20b

Kini mao ang giingon sa Dios: Nganong naglapas kamo sa mga sugo ni Jehova, aron kamo dili magamauswagon? tungod kay in-yong gibiyaan si Jehova, siya usab nagabiya kaninyo.

1 Samuel 15:23a

Kay ang pagsukol sama ra sa sala sa lumay, ug ang pagkagahi sa kasingkasing sama ra sa pagdiwata ug pag-alagad sa mga dios-dios. Tungod kay imong gisa-likway ang pulong ni Jehova, siya usab magsalikway kanimo . . . .



Salmo 7:11

Ang Dios mao ang maghuhukom nga matarung: Oo, usa ka Dios nga batok sa mga dautan may kaligutgot sa matag-adlaw.

Roma 1:29-32

Sila napuno sa tanang matang sa pagkadili matarung, pagkadautan, kadalo, panghimaraut. Sila puno sa kasina, pagbuno, pakig-lalis, lansis, kagil-ad. Sila mga tabian, malibakon, madumtanon sa Dios, mapasipalahon, mapahitason, andakan, tigmugnag dautan, masupilon sa mga ginikanan, hungog, walay paglaban sa pulong, walay kasingkasing, mabangis. Kini sila, bisan ila

nang nasayran ang pagbuot sa Dios nga ang magabuhat sa maong mga butang takus sa kamatayon, dili lamang kay nagabuhat niini kondili giuyonan usab nila ang mga tawo nga nagabuhat niini.

Colosas 3:6

Tungod niining mga butanga ang kapungot sa Dios nagaabut diha sa mga tawong masupilon.

Roma 1:18

Kay gikan sa langit ginapadayag ang kapungot sa Dios batok sa tanang pagkadili diosnon ug pagkadili matarung sa mga tawo nga nagababag sa kamatuoran pinaagi sa ilang pagkadautan.

## Ang Paghukom Anaa Na Sa Unahan

**Hebreohanon 9:27**

Ug maingon nga ang tawo ginabut-an nga mamatay sa makausara, ug tapus niana mao ang hukom.

**Hebreohanon 10:31**

Maoy butang nga makalilisang ang pagkahulog ngadto sa mga kamot sa Dios nga buhi.

**Pinadayag 20:12, 15**

Ug nakita ko ang mga patay, mga dagku ug mga gagmay, nga nanagtindog sa atubangan sa tro-  
no, ug dihay mga basahon nga gi-  
pamuklad. Usab dihay laing basa-  
hon nga gibuklad, nga mao ang  
basahon sa kinabuhi. Ug ang mga  
patay gipanaghukman pinasikad  
sa nahisulat diha sa mga basahon,

pinasikad sa ilang mga binuha-  
tan. Ug kon ang ngalan ni bisan  
kinsa dili makaplagan nga nahisu-  
lat diha sa basahon sa kinabuhi,  
siya itambog ngadto sa linaw nga  
kalayo.

**Mateo 12:36**

Sultihan ko kamo, nga sa adlaw  
sa hukom ang mga tawo magaha-  
tag unyag husay bahin sa matag-  
pulong nga walay pulos nga ilang  
ginalitok.

**Ecclesiastes 12:14**

Kay pagadad-on sa Dios ang  
tagsatagsa ka buhat ngadto sa  
paghukom uban ang tagsatagsa  
ka tinago nga butang, bisan ang  
maayo, kun bisan ang dautan.

## Proverbio 15:3

Ang mga mata ni Jehova anaa sa tanang dapit, nga nagabantay ibabaw sa dautan ug sa maayo.

## 1 Samuel 16:7b

Kay si Jehova nagatan-aw, dili ingon sa makita sa tawo; kay ang tawo nagatan-aw sa panagway sa gawas, apan si Jehova nagatan-aw sa kasingkasing.

## Salmo 139:1-4

Oh Jehova, ikaw nakasusi kanako, ug nahibalo kanako. Ikaw nahibalo sa akong paglingkod ug sa akong pagtindog; Ikaw nakasabut sa akong hunahuna bisan sa halayo. Ikaw nagasusi sa akong alagianan ug sa akong pag-

higda, ug ikaw nahibalo sa tanan ko nga mga dalan. Kay walay mausa ka pulong sa akong dila, kondili, Oh Jehova, ania karon, ang tanan hibaloan nimo.

## Jeremias 16:17

Kay ang akong mga mata anaa sa tanan nilang ginalaktan; sila dili matago gikan sa akong nawong, ni matago sa akong mga mata ang ilang kasal-anan.

## Hebreohanon 4:13

Ug sa panan-aw sa Dios walay binuhat nga natago, hinonoa ang tanang butang binuksan ug dayag sa mga mata niya kang kinisa magahatag ra unya kitag husay.

## Ang Pagtalikod Gikan Sa Sala Gikinahanglan Pag-ayo

May kalipay ba ako sa kamatayon sa tawong dautan? nagaingon ang Ginoong Jehova; ug dili magapanghinaut hinoon nga siya mobalik gikan sa iyang dalan, ug mabuhi? —Ezequiel 18:23

Ingnon ko kamo, Dili; hinonoa, gawas kon maghinulsol kamo, kamong tanan mangamatay usab sa ingon. —Lucas 13:3

Kadtong nagatabon sa inyang kalapasan dili mouswag; apan bisan kinsa nga nagasugid ug nagabiya kanila makadawat ug kalooy. —Proverbio 28:13

Bisan pa ngani karon, nagaingon si Jehova, bumalik kamo

kanako uban ang bug-os ninyong kasingkasing, ug uban ang pagpuasa, ug uban ang pagbilak, ug uban ang pagbalata. —Joel 2:12

Oseas 17:2a

Dad-a ninyo ang mga pulong, ug bumalik ngadto kang Jehova; umingon kamo kaniya: Kuhaa ang tanang kasalanan, ug dawata kami sa pagkamaloloyon.

Job 33:27a, 28

Siya magaawit sa atubangan sa mga tawo, ug mag-ingon: Ako nakasala, . . . Iyang giluwat ang akong kalag gikan sa kahulogon sa gahong, ug ang akong kinabuhi makakita sa kahayag.

Isaias 55:7

Pabiyai sa dautan ang iyang dalan, ug sa tawo nga dili matarung ang iyang mga hunahuna; ug pabalika siya kang Jehova, ug siya malooy kaniya; ug sa atong Dios, kay siya mopasaylo sa madagayaon gayud.

Salmo 34:18

Si Jehova haduol niadtong mga dugmok ug kasingkasing, ug nagaluwas siya niadtong mahinulsulon sa espiritu.

Giila ko ang akong sala nganha kanimo, ug wala ko tagoi ang akong kasal-anan: Miingon ako: Igasugid ko kang Jehova ang akong mga kalapasan; ug imong

gipasaylo ang pagkadautan sa akong sala. —Salmo 32:5

1 Juan 1:9

Kon isugid ta ang atong mga sala, siya kasaligan ug makatarunganon nga tungod niana mopasaylo siya sa atong mga sala ug magahinlo kanato gikan sa tanang pagkadili makatarunganon.

Buhat 3:19a

Busa, paghinulsol kamo, ug pamalik na kamo kaniya, aron mapala ang inyong mga sala.

Ang paghinulsol nagakahulogan ug pagtalikod gikan sa sala ingon sa pagsugid niini ngadto sa Dios.

## Ang Halad Gikinahanglan Aron Mapasig-uli Kita Sa Dios

(Ang sala maoy nakapahimulag, panid 14.)

Kay ang dugo mao ang naghimo sa pagtabon-sa-sala, tungod sa kinabuhi. —Levitico 17:11b

### Hebreohanon 9:22

Sa pagkatinuod, ubos sa kasugoan hapit ang tanang butang pagahinloon ug dugo, ug gawas sa pag-ula ug dugo walay mahimong pasaylo sa mga sala.

### Exodo 12:5a, 13a

Ang inyong nating carnero, mao ang walay ikasaway, lake, usa ka tuig ang panuigon: . . . Ug ang dugo timaan sa mga balay diin kamo magapuyo; ug kong makita ko ang dugo molabay ako

sa ibabaw kaninyo, ug walay kamatay nga moabut kaninyo.

### Genesis 22:8a, 13

Ug mitubag si Abraham: Ang Dios sa iyang kaugalingon magatagana sa nating carnero nga igahalad-nga-sinunog, anak ko, . . . Unya giyahat ni Abraham ang iyang mga mata ug mitan-aw; ug ania karon, ang usa ka carnero nga lake sa likod, kansang mga sungay nagapus sa kasapinitan. Ug miadto si Abraham, ug gikuha niya ang carnero nga lake ug kini gihalad niya sa halad-nga-sinunog, salili sa iyang anak.

## Si Jesus Mao Ang Cordero Nga Gitagana Sa Dios 21

Ug sa pagkasunod nga adlaw iyang nakita si Jesus nga nagpaingon kaniya, ug siya miingon, Tan-awa, mao kana ang Cordero sa Dios, nga magakuha sa sala sa kalibutan! —Juan 1:29

Hebreohanon 9:12, 28a

Siya sa makausa ug sa wala nay pagsubli misulod sa Balaang Dapit, nga nagdala dili sa dugo sa mga kanding ug sa mga nating baka kondili sa iyang kaugalingong dugo, nga sa ingon niana nagkab-ot sa katubsanan nga dayon. Mao man usab si Cristo tapus makahalad sa makausa aron sa pagkuha sa mga sala sa daghang mga tawo.

Kamo sayud nga gikan sa walay hinungdan nga paggawi nga inyong napanunod gikan sa inyong mga ginikanan kamo gitubos, dili pinaagi sa mga butang madugta ingon sa salapi o bulawan, kondili sa bilihong dugo ni Cristo, nga daw sa nating karniro nga walay buling o hugaw. —1 Pedro 1:18, 19

Unsa ka labaw pa gayud niini ang mahimo sa dugo ni Cristo, nga pinaagi sa Espiritu nga dayon mihalad sa iyang kaugalingon nga walay buling ngadto sa Dios, sa paghinlo sa inyong kaisipan gikan sa mga patayng binuhatan aron magaalagad kamo sa Dios nga buhi? —Hebreohanon 9:14

## 22 Ang Katubsanan Ikahatag Lamang Sa Dios

Roma 3:24, 25a

Sila pagamatarungon pinaagi sa iyang grasya ingon nga gasa, pinasikad sa pagkatinubos tungod kang Cristo Jesus nga gitanyag sa Dios ingon nga halad pasig-uli pinaagi sa iyang dugo.

Roma 5:8

Apan ang Dios nagapadayag sa iyang gugma alang kanato pinaagi niini, nga bisan sa mga makasasala pa kita si Cristo nagpakamatay alang kanato.

Efeso 2:8, 9

Kay tungod sa grasya kamo nangaluwas pinaagi sa pagtoo; ug kini dili sa inyong kaugalingong

kahimoan, kini hatag sa Dios—dili tungod sa mga binuhatan aron walay bisan kinsa nga magapasi-garbo.

Buhat 10:43

Kaniya ang tanang mga profeta nanghimatuod nga ang tanang magatoo kaniya magadawat sa kapasayloan sa mga sala pinaagi sa iyang ngalan.

Buhat 4:12

Ug walay kaluwasan pinaagi kang bisan kinsa pa nga lain; kay walay bisan unsa pang lain nga ngalan sa silong sa langit, nga gikahatag ngadto sa mga tawo, nga pinaagi niini maluwas kita.



Lucas 1:26-37

...ang manolunda nga si Gabriel gipadala gikan sa Dios ngadto sa usa ka lungsod sa Galilea nga ginganlan ug Nazaret, ngadto sa usa ka dalagang birhin nga pangasaw-onon sa usa ka lalaki nga ginganlan si Jose nga kaliwat ni David; ug ang ngalan sa dalagang birhin mao si Maria. ...Ayaw kalisang, Maria, kay naangkon mo ang kahimuot sa Dios. Ug tan-awa, magasamkon ikaw ug igaanak mo ang usa ka bata nga lalaki, ug siya imong paganganlan si Jesus. Siya mahimong bantugan ug pagatawgon nga Anak sa Labing Halangdon; ...ug walay pagkatapus ang

iyang gingharian. Ug si Maria nangutana sa manolunda, Unsaon ba pagkahimo niini nga wala man akoy bana? Ang manolunda mitubag kaniya, Pagakunsaran ikaw sa Espiritu Santo, ug pagalandungan ikaw sa gahum sa Labing Halangdon; tungod niini, ang bata nga matawo paganganlan nga balaan, ang Anak sa Dios. ... Kay sa Dios walay butang nga dili mahimo.

Ang mao lamang mga tawo nga dili bunga sa kaminyoon mao sila si Adan ug si Cristo. Si Adan nagdala sa sala nganhi sa kalibutan, apan si Jesus mao ang nagdala ug kaugangan ibabaw sa sala.

**Filipos 2:6**

Nga, bisan tuod siya naglungtud diha sa kinaiya sa Dios, siya wala mag-isip sa iyang pagkasama sa Dios ingon nga usa ka butang nga pagailogan.

**Juan 10:30, 36**

Ako ug ang Amahan usa ra. Ingonon ba diay ninyo ako, ang gididikar sa Amahan ug gipadala niya nganhi sa kalibutan, Ikaw nagpasipala, tungod lang kay nag-ingon ako, Anak ako sa Dios?

Si Jesu-Cristo, ang Walay Katapusang Pulong, sa kanunay buhi. Pinaagi sa milagro, ang Dios naglalang Kaniya pinaagi sa pagpanamkon ni Maria. Sa lawasnon

naila Siya ingon nga Anak sa Tawo, ug sa spirituhanon naila Siya ingon nga Anak sa Dios. Ang mga Kasulatan nagamit sa pulong “Anak” aron sa pagpasabot sa panaghiusa nga nadayag tali sa Dios ug sa iyang Pulong—si Jesu-Cristo.

**Hebreohanon 10:5**

Tungod niana, sa pagtungaha ni Cristo sa kalibutan, siya miingon, . . . kondili usa ka lawas kanako imong gitagana.

**Roma 1:4**

Ug uban sa gahum gipaila nga Anak sa Dios sumala sa Espiritu nga balaan pinaagi sa iyang pagkabanhaw gikan sa mga patay, si Jesu-Cristo nga atong Ginoo.

Ug dili malalis nga daku gayud ang tinago sa atong tinoohan: Ang Dios nadayag diha sa lawas.

—1 Timoteo 3:16a

Kay diha kaniya nagapuyo sa pagkalawas ang bug-os kinatibukan sa pagka-Dios. —Colosas 2:9

Si Jesus miingon kanila, . . . nga sa wala pa si Abraham, mao na ako. —Juan 8:58

Kay alang kanato ang usa ka bata natawo, alang kanato ang usa ka anak nga lalake gihatag; ug ang kagamhanan igatungtong sa iyang abaga: ug ang iyang ngalan pagatawgon Kahibulungan, Magtatambag, Dios nga Makagagahum, Amahan nga

walay Katapusan, Principe sa Pakigdait. —Isaias 9:6

Ug siya dinhi na sa kalibutan, ug ang kalibutan nahimo pinaagi kaniya, ngani ang kalibutan wala makaila kaniya. —Juan 1:10

Kay adunay usa ra ka Dios, ug adunay usa ra ka tigpataliwala sa Dios ug sa mga tawo, nga mao ang tawo nga si Cristo Jesus, nga naghatag sa iyang kaugalingon ingon nga lukat alang sa tanan.

—1 Timoteo 2:5, 6a

Kang kinsa kita nakabaton sa pagkatinubos, sa kapasayloan sa mga sala. Siya mao ang dagway sa dili makita nga Dios.

—Colosas 1:14, 15a

## 26 Ang Biblia (Kasulatan) Mao Ang Pulong Sa Dios

2 Pedro 1:21

Tungod kay wala may profesiya nga miabut pinaagi sa kabubot-on sa tawo, hinonoa minandoan sa Espiritu Santo nanagpanulti ang mga balaang tawo sa Dios.

Lucas 1:70

Sumala sa iyang gisulti pinaagi sa baba sa iyang mga balaang profeta sukad pa sa karaang panahon.

2 Timoteo 3:16

Ang tibuok nga Kasulatan gituga sa Dios ug may kapuslanan alang sa pagpanudlo, alang sa pagpamadlong, alang sa pagpanul-id ug alang sa pagmatoto sa pagkamatarung.

2 Samuel 23:2

Ang Espiritu ni Jehova namulong pinaagi kanako, ug ang iyang pulong diha sa ibabaw sa akong dila.

Roma 15:4

Kay bisan unsay gisulat kaniad-to, gisulat kini alang sa pagtuon kanato aron nga pinaagi sa pailub ug pinaagi sa paglipay gikan sa mga kasulatan makabaton unta kitag paglaum.

Nangasayop kamo kay wala kamo makasabut sa kasulatan o sa gahum sa Dios. —Mateo 22:29b

Kay gipadaku mo ang imong pulong ibabaw sa bug-os mong ngalan. —Salmo 138:2b

**Pinadayag 19:13**

Siya nagasul-ob ug bisti nga gikatuslob sa dugo, ug ang ngalan nga gitawag kaniya mao kini: Ang Pulong sa Dios.

**Juan 1:1, 14a**

Sa sinugdan mao na ang Pulong, ug ang Pulong uban sa Dios, ug Dios ang Pulong. Ug ang Pulong nahimong tawo ug ipon kanamo mipuyo siya.

*Si Jesus nagpadayag sa Dios*

Wala pa gayuy tawo nga nakakita sa Dios; ang bugtong Anak, nga anaa sa sabakan sa Amahan—kini siya mao ang nagpaila kaniya.  
—Juan 1:18

*Ang Dios Nakigsulti Pinaagi Ni Jesus*

**Hebreohanon 1:1, 2**

Sa daghan ug nagkalainlaing mga paagi ang Dios misulti kaniadto sa karaang kapanahonan ngadto sa atong mga ginikanan pinaagi sa mga profeta; apan niining kaulahiang mga adlaw siya misulti kanato pinaagig Anak, nga iyang gitudlo nga manunod sa tanang mga butang, pinaagi kang kinsa usab gibuhat niya ang kalibutan.

**Juan 8:38a**

Ako nagasulti sa nakita ko sa atubangan sa akong Amahan.

## **28 Ang Nasulat Ug Ang Buhing Pulong Gitandi**

*Ang Biblia Maoy Kalan-on Alang  
Sa Kalag*

**Mateo 4:4b**

Ang tawo mabuhi dili sa tinapay lamang, kondili sa matag-pulong nga magagula sa baba sa Dios.

*Si Jesus mao Ang Tinapay Nga  
Gikan Sa Langit*

**Juan 6:51a**

Ako mao ang buhing tinapay nga nanaug gikan sa langit; bisan kinsa nga mokaon niining maong tinapay, siya mabuhi sa dayon.

*Ang Biblia Maoy Kahayag Sa  
Atong Dalan*

**Salmo 119:105, 130**

Ang imong pulong maoy lamparahan sa akong mga tiil, ug kahayag sa akong alagianan.

Ang sinugdan sa imong mga pulong nagahatag ug kahayag; nagahatag kini ug salabutan alang sa mga walay-pagtagad.

*Si Jesus mao Ang Kahayag Alang  
Sa Kalibutan*

**Juan 8:12**

Ug kanila si Jesus misulti pag-usab nga nag-ingon, Ako mao ang kahayag alang sa kalibutan. Siya nga magasunod kanako dili gayud magalakaw sa kangitngit, hinonoa magabaton siya sa kahayag nga magahatag ug kinabuhi.

**Ang Biblia Nagadala Ug  
Mabungahon Nga Kinabuhi**

**Salmo 1:2, 3a**

Kondili anaa sa Kasugoan ni Jehova ang iyang kalipay; ug sa Kasugoan niya nagapalandong siya sa adlaw ug sa gabii. Ug siya mahisama sa kahoy nga natanum sa daplin sa kasapaan sa tubig, nga nagadala sa iyang bunga sa iyang panahon.

**Ang Kasulatan Nagahisgot Mahitungod Kang 29  
Jesu-Cristo**

Kamo nagasusi sa mga kasulatan kay nagahunahuna man kamo nga pinaagi niini makakaplag kamo sa kinabuhing dayon; ngani kini mao ang nagapanghimatuod mahitungod kanako. —Juan 5:39

**Si Jesus Nagadala Ug Mabungahon  
Nga Kinabuhi**

**Juan 15:4a, 5**

Pabilin kamo kanako, ug pabilin ako kaninyo. Ako mao ang tanum nga parras, kamo mao ang mga sanga. Ang magapabilin kanako, kang kinsa magapabilin ako, mao siya ang magapamungag daghan, kay gawas kanako wala gayud kamoy arang mahimo.

**Lucas 24:27**

Ug sugod kang Moises ug sa tanang mga profeta, iyang gisaysay kanila ang mga butang sa ti-buok nga kasulatan mahitungod sa iyang kaugalingon.

## 30 Ang Walay Katapusanang Pulong Sa Dios Dili Gayod Mausab

Sa walay katapusan Oh Jehova. ang imong pulong nahamutang sa langit. Kamatuoran mao ang natingban sa imong pulong; ug ang tagsatagsa sa imong matarung mga tulomanon nagapadayon sa walay katapusan.

—Salmo 119:89, 160

Ang balili nagakalaya, ang bulak nagakalawos; apan ang pulong sa Dios nagapabilin sa walay katapusan. —Isaias 40:8

Ug dili arang mabungkag ang kasulatan. —Juan 10:35b

Nga samtang magalungtad pa ang langit ug ang yuta, walay pagasayloan sa kasugoan bisan

usa na lang ka kudlit o usa ka tulpok niini hangtud ang tanan matuman. —Mateo 5:18b

*Ang Tawo Dili Makapangahas Sa  
Pag-usab Sa Biblia*

Proverbio 30:6

Dili ka magdugang sa iyang mga pulong, tingali unya pagablongon ka niya, ug ikaw hikaplagn nga usa ka bakakon.

Pinadayag 22:19a

Ug kon adunay magataktak ug mga pulong gikan sa mga pulong sa basahon niining profesiya, pagataktakon sa Dios ang iyang bahin diha sa kahoy nga naghatag sa kinabuhi.



# Ang Plano Sa Dios Natuman Pinaagi Sa Kamatayon Ni Jesus

31

**Juan 10:17, 18a**

Ako gihigugma sa Amahan sa katarungan nga mao kini: kay ako magahalad man sa pagpakamatay sa akong kinabuhi, sa paghalad niini aron mabawi ko ra usab unya. Walay tawo nga makakuha niini gikan kanako, hinonoa ginalad ko kini sa kinaugalingon kong pagbuot. May kagahum ako sa paghalad niini, ug may kagahum ako sa pagbawi niini.

**Mateo 26:53, 54**

Nagahunahuna ka ba nga dili ako makapangayò sa akong Amahan, ug nga dili siya makapadala karon dayon ug mga ma-

nolunda nga kapin sa napulog-duha ka mga legion? Apan unsaon na man unya pagkatuman sa kasulatan, nga sa ingon niini mahitabo gayud kini?

**Buhat 3:18**

Apan sa ingon niini gituman sa Dios ang iyang gipasidaan pinaagi sa baba sa tanang mga profeta, nga kinahanglan gayud magantus ang iyang Cristo.

**Isaias 53:10a**

Apan nahimut-an ni Jehova ang pagsamad kaniya; iya nga gisakit siya: kong ikaw mohimo sa iyang kalag nga usa ka halad-alang-sa-sala.

## **32 Ang Kamatayon Ni Jesus Gipahibalo Sa Mga Nanagpakakita**

**Marcos 15:27, 28**

Ug uban kaniya ilang gilansang sa krus ang duha ka mga tulisan, usa sa iyang too ug usa sa iyang wala. Ug natuman ang kasulatan nga nagaingon, Giisip siya nga kauban sa mga malinapason.

**Juan 19:33-37**

Apan sa diha na sila kang Jesus, ug ilang nakita nga siya patay na, wala na lang nila balia ang iyang mga bitiis. Apan usa sa mga sundalo midughang ug bangkaw sa iyang kilid, ug gilayon dihay miagay nga dugo ug tubig. . . . Kay kining mga butanga nahitabo aron matuman ang kasula-

tan nga nagaingon, Walay bukog niya nga mabali. Ug . . . Ilang pagatan-awon siya nga ilang gidughang.

**Mateo 27:50-51, 54**

. . . Ug si Jesus miusab pagtuwaw sa makusog nga tingog ug unya mitugyan sa iyang espiritu. . . . ug ang yuta mikurog, ug ang mga pangpang nangasipak; ug sa diha nga ang kapitan ug ang iyang mga kauban nga nagbantay kang Jesus, nakakita sa linog ug sa mga butang nga nagkahitabo, sila nangahadlok pag-ayo ug miingon, Sa pagkatinuod kini siya anak sa Dios!

**Buhat 2:24, 32**

Apan siya gibanhaw sa Dios, sa nalangkat na ang mga kasakit sa kamatayon, sanglit dili man gayud mahimo nga siya kapugngan sa kamatayon. Kining maong Jesus gibanhaw sa Dios, ug kaming tanan mga saksi niini.

**Hebreohanon 2:14, 15**

Busa, sanglit ang mga anak nakaambit man sa unod ug dugo, siya gayud usab miambit niini, aron pinaagi sa kamatayon malaglag niya ang may gahum sa kamatayon, nga sa ato pa, ang yawa, ug mapahigawas niya silang tanan nga tungod sa kahadlok sa kamatayon nailalum sa

pagkaulipon sulod sa tibuok nilang kinabuhi.

**Pinadayag 1:18**

Ug ang Buhi. Ako namatay, apan tan-awa, ako karon buhi hangtud sa kahangturan, ug ania kanako ang mga yawi sa Kamatayon ug sa Hades.

**2 Timoteo 1:10**

Ug nga karon iyang gikapadayag kini pinaagi sa pagpakita sa atong Manluluwas nga si Cristo Jesus, ni kinsa gilaglag ang kamatayon ug pinaagi sa Maayong Balita ang kinabuhi ug ang pagkawalay kamatayon gidala niya ngadto sa kahayag.

## Unsa Man Ang Atong Pagabuhaton Uban Kang Jesus?

Tan-awa, nagatingdog ako sa pultahan ug nagatuktok; kon may magapatalinghug sa akong tingog ug maobli sa pultahan, kaniya mosulod ako ug makigsalo ako sa pagkaon uban kaniya, ug siya uban kanako. —Pinadayag 3:20

Dawata ninyo ang Espiritu Santo. . . pangayo kamo ug magadawat kamo aron mamahingpit ang inyong kalipay.

—Juan 20:22b; 16:24b

Ang mahigugma sa iyang amahan o inahan labaw pa kanako, dili takus kanako; . . . Ug sa iyang mga tinun-an misulti si Jesus nga nag-ingon, Kon adunay buot mo-

sunod kanako, kinahanglan magdumili siya sa iyang kaugalingon, ug magpas-an sa iyang krus, ug magsunod kanako. Kay bisan kinsa nga buot magpatunhay sa iyang kinabuhi, mawagtangan hi-noon siya niini; ug bisan kinsa nga magawagtang sa iyang kinabuhi tungod kanako, makakaplag siya niini. —Mateo 10:37a; 16:24, 25

Kay kon pinaagi sa imong baba magasugid ikaw nga si Jesus mao ang Ginoo, ug magatoo sa sulod sa imong kasingkasing nga siya gibanhaw sa Dios gikan sa mga patay, nan, maluwas ikaw.

—Roma 10:9

# **Pinaagi Kang Jesus Nakabaton Kita Ug 35** **Bag-ong Kinabuhi**

**1 Juan 5:11, 12**

Ug ang pagpamatuod mao kini: nga kita gihatagan sa Dios ug kinabuhing dayon, ug kining kinabuha diha sa iyang Anak. Ang nakapanagiya sa Anak, may kinabuhi; apan ang wala makapanagiya sa Anak, walay kinabuhi.

**Roma 8:2**

Kay ang kasugoan sa makabúhi nga Espiritu pinaagi kang Cristo Jesus nagpahigawas kanako gikan sa balaod sa sala ug sa kamatayon.

**Galacia 2:20a**

Gilansang ako sa krus uban kang Cristo; dili na ako ang na-

buhi, kondili si Cristo ang nabuhi sa sulod nako; ug ang kinabuhi nga karon akong ginakinabuhi sa lawas akong ginakinabuhi pinaagi sa akong pagtoo sa Anak sa Dios.

**2 Corinto 5:17**

Busa kon ang tawo anaa kang Cristo, siya bag-o nang binuhat; ang daang mga butang nagpangagi na, tan-awa, ang bag-ong mga butang nahiabut na.

**1 Pedro 1:23**

Kamo gikaanak pag-usab, dili sa binhi nga madunot ra, kondili sa binhi nga walay pagkadunot pinaagi sa buhi ug nagapadayong pulong sa Dios.

## 36 Ang Dios Mao Amahan Sa Iyang Katawhan

Salmo 68:5

Amahan sa mga ilo, ug maghuhukom sa mga balong babaye, mao ang Dios nga anaa sa iyang balaang puloy-anan.

Isaias 64:8; 63:16b

Apan karon, Oh Jehova, ikaw mao ang among Amahan; kami yuta nga kolonon, ug ikaw mao ang among magkokolon; ug kaming tanan binuhat man sa imong kamot. Oh Jehova, mao ang among Amahan; among Manunubos ang imong ngalan gikan sa walay katapusan.

Mateo 7:11; 6:9

Busa, kon kamo, bisan sa inyong pagkadautan, mahibalo man

ganing mohatag ug mga maayong gasa ngadto sa inyong mga anak, unsa pa gayud ka labaw pa sa inyong Amahan nga anaa sa langit nga mohatag ug mga maayong butang ngadto sa mga naga-pangayo kaniya? ... Busa pag-ampo kamo sa ingon niini nga paagi: Amahan namo nga anaa sa langit, pagabalaanon unta ang imong ngalan.

2 Corinto 6:17b, 18

Unya pagahinangpon ko kamo, ug ako mahimong inyong amahan, ug kamo mahimong akong mga anak nga lalaki ug mga anak nga babaye, nagaingon ang Ginoo nga Makagagahum sa Tanan.

# Pinaagi Ni Jesus Nahibalo Kita Nga Ang Dios 37

## Mao Ang Atong Amahan

Juan 14:6, 7, 23b

Si Jesus mitubag kaniya, Ako mao ang dalan, ug ang kama-tuoran, ug ang kinabuhi; walay bisan kinsa nga makaadto sa Amahan, gawas kon pinaagi ka-nako. Kon nakaila pa kamo kanako, makaila usab unta kamo sa akong Amahan. Kon kinsa ang nahigugma kanako, iyang pagabantayan ang akong pulong, ug ang akong Amahan mahigugma kaniya, ug moanha kami kaniya ug anha kami mopuyo diha kaniya.

Galacia 4:4, 5; 3:26

... ang Dios mipadala sa iyang

Anak...aron kita managdawat sa pagkasinagop ingon nga mga anak. Kay diha kang Cristo Jesus kamong tanan nahimo na mang mga anak sa Dios pinaagi sa pagtoo.

Juan 1:12

Apan sa tanang midawat kaniya, sa tanang mitoo sa iyang ngalan, kanila naghatag siyag kagahum sa pagkahimong mga anak sa Dios.

1 Juan 2:1b

Apan kon may makasala man gayud, kita adunay Manlalaban nga mangatubang sa Amahan, si Jesu-Cristo ang matarung.

## 38 Si Jesus Nagdala ug Gugma, Kalipay, Kalinaw

Efeso 4:32

Magmapuanguron kamo ang usa ngadto sa usa, mga malulot ug kasingkasing, nga magpina-sayloay kamo ang usa sa usa, ma-ingon nga kamo gipasaylo sa Dios tungod kang Cristo.

Ang tanang tawo makaila nga kamo mga tinun-an ko pinaagi niini, kon kamo maghigugmaay ang usa sa usa. —Juan 13:35

Galacia 5:22a

Apan ang bunga sa Espiritu mao ang gugma, kalipay, kali-naw . . . .

Roma 5:1

Busa, sanglit namatarung man kita pinaagi sa pagto, kita may

pakigdinaity na sa Dios pinaagi sa atong Ginoong Jesu-Cristo.

1 Juan 4:16b

Ang Dios gugma, ug ang naga-pabilin sa gugma, nagapabilin sa Dios; ug ang Dios nagapabilin diha kaniya.

Igapakita mo kanako ang dalan sa kinabuhi: Sa imong presencia anaa ang kahupnganan sa ka-lipay. —Salmo 16:11

Kaninyo ibilin ko ang kalinaw kaninyo ihatag ko ang akong ka-linaw. Hatagan ko kamo niini dili sama sa hinatagan sa kalibutan. Kinahanglan dili magkaguol ang inyong kasingkasing, ni magta-law. —Juan 14:27



# Pagabanhawon Ni Jesus Ang Iyang Mga Tinuod 39

## Nga Sumusunod

Roma 8:11

Kon nagapuyo sa sulod ninyo ang Espiritu sa nagbanhaw kang Jesus gikan sa mga patay, siya nga nagbanhaw kang Cristo Jesus gikan sa mga patay magahatag usab ug kinabuhi nganha sa inyong may kamatayong mga lawas pinaagi sa iyang Espiritu nga nagapuyo sa sulod ninyo.

1 Corinto 15:21-23

Kay maingon nga pinaagi sa usa ka tawo miabut ang kamatayon, pinaagi usab sa usa ka tawo nahiabut ang pagkabanhaw sa mga patay. Kay maingon nga diha kang Adan ang tanan nanga-

matay, maingon man usab diha kang Cristo ang tanan mangabuhi. Apan ang matag-usa sa iyang kaugalingong panahon: si Cristo ang nahauna, ug unya sa iyang pag-anhi, sila nga mga iya ni Cristo.

Juan 6:40

Kay ang kabubut-on sa akong Amahan mao kini, nga ang matag-usa nga makakita sa Anak ug mosalig kaniya makabaton sa kinabuhing dayon, ug pagabanhawon ko siya sa kaulahian nga adlaw.

Tungod kay ako buhi, kamo usab mabuhi. —Juan 14:19b

## 40 Ayaw Isalikway Ang Iyang Dakung Kaluwasan

Ang tawo nga makalapas sa kasugoan ni Moises pagapatyon sa walay kukalooy pinasikad sa panghimatuod sa duha o tulo ka mga saksi. Sa inyong paghuna-huna, unsa ka labi pa ka mabugat gayud sa silot nga mahiaguman sa tawo nga magayatak sa Anak sa Dios, ug magapakawalay bili sa dugo sa pakigsaad nga pinaagi niini gibalaan siya, ug magapanamastamas sa Espiritu sa grasya? —Hebreohanon 10:28, 29

Juan 8:24

Busa giingnan ko kamo nga mangamatay kamo diha sa inyong mga sala, kay mangamatay man gayud kamo diha sa inyong

mga sala gawas kon motoo kamo nga ako mao siya.

Juan 12:48a

Ang magasalikway kanako ug dili modawat sa akong mga sulti, siya adunay maghukukom.

Lucas 12:4, 5

Ingnon ko kamo, mga higala ko, ayaw ninyo kalisangi sila nga mopatay sa lawas, ug tapus niana wala nay lain pa nga arang nila mahimo. Apan pasidan-an ko kamo kon kinsay angay ninyong kahadlokan: kahadloki ninyo siya nga, tapus siya makapatay, may gahum sa pagtambog ngadto sa infierno, oo, ingnon ko kamo, siya ang kahadloki ninyo!

**Buhat 17:31a**

Kay siya nakatudlo na ug adlaw kanus-a, subay sa katarungan, iyang pagahukman ang kalibutan pinaagi sa usa ka tawo nga iyang gitudlo alang niini.

**Juan 5:22, 23a**

Ang Amahan dili magahukom kang bisan kinsa, hinonoa ang tanang paghukom gitugyan niya ngadto sa Anak, aron ang tanang tawo magapasidungog sa Anak maingon sa ilang pagpasidungog sa Amahan.

**2 Tesalonica 1:7b, 8**

Ang Ginoong Jesus, . . . igapadayag na gikan sa langit kinuyogan sa iyang gamhanang mga ma-

nolunda. Siya magapahamtang ug panimalus diha kanila nga wala makaila sa Dios ug kanila nga wala magmasinugtanon sa Maayong Balita mahitungod sa atong Ginoong Jesus.

**Roma 2:16**

Unya sa maong adlaw nga, sumala sa akong Maayong Balita, pagahukman na sa Dios ang mga tinagoan sa mga tawo pinaagi kang Cristo Jesus.

**2 Corinto 5:10**

Kay kitang tanan kinahanglan magapangatubang sa hukmanan ni Cristo, aron ang matag-usa magadawat sumala sa nabuhat sa iyang lawas, maayo o dautan.

## 42 Dili Ang Tanan Nga Nag-ingon Nga Musunod Kang Jesus Iya Ni Jesus

Tito 1:16a

Sila magapahayag nga sila nagpakaila sa Dios, apan ilang ginapanghimakak siya pinaagi sa ilang mga binuhatan.

Roma 8:9b

Ang wala magbaton sa Espiritu ni Cristo dili iya ni Cristo.

Mateo 7:21-23

Dili ang tanang magaingon kanako, Ginoo, Ginoo, makasulod sa gingharian sa langit, kondili ang nagatuman sa kabubut-on sa akong Amahan nga anaa sa langit. Daghan unya ang magaingon kanako niadtong adlaw,

Ginoo, Ginoo, dili ba nanaghimo man kamig maga profesiya tungod sa imong ngalan, ug nanagpagula sa mga yawa tungod sa imong ngalan, ug nakahimo sa daghang mga milagro tungod sa imong ngalan? Ug unya magaingon ako kanila, Wala ko gayud kamo igkaila; pahawa kanako, kamong mga mamumuhat ug dautan.

Mateo 15:8

Kining mga tawhana nagapasi-dungog kanako pinaagi sa ilang mga ngabil, apan halayo kanako ang ilang kasingkasing.

# Ang Mga Matuod Nga Sumusunod Ni Jesus 43 Magasugot Kaniya

Ug atong mahibaloan nga kita nakaila kaniya pinaagi niini: kon kita nagabantay sa iyang mga sugo. —1 Juan 2:3

Ug igabutang ko ang akong Espiritu sa sulod ninyo, ug palakton ko kamo sa akong kaba-laoran, ug kamo magabantay sa akong mga tulomanon, ug magatuman kanila. —Ezequiel 36:27

Ug sa nahimo siyang hingpit, siya nahimong tuboran sa dayong kaluwasan alang sa tanang magasugot kaniya. —Hebreohanon 5:9

Efeso 2:10

Kay kita iyang mga binuhat, hinimo diha kang Cristo Jesus

alang sa mga maayong binuhatan nga gilaraw nang daan sa Dios, aron nga niini managgawi kita.

Roma 6:18

Ug nga sa paghigawas ninyo gikan sa sala, kamo nahimong mga ulipon sa pagkamatarung.

Roma 8:13

Kay mamatay kamo kon magkinabuhi kamo uyon sa unod, apan mabuhi kamo kon pinaagi sa Espiritu inyong patyon ang mga binuhatan sa lawas.

2 Timoteo 2:19b

Ug Ang matag-usa nga nagapangaliya sa ngalan sa Ginoo kinahanglan magabiya sa pagkadautan.

## Ang Kalibutan Nasilag Sa Mga Sumusunod Ni Jesus

Juan 15:18, 19

Kon ang kalibutan nagadumot man kaninyo, hibaloí nga kini nagdumot na kanako sa wala pa kini magdumot kaninyo. Kon kamo iya pa sa kalibutan, higugmaon sa kalibutan ang mga iya. Apan kay kamo dili man iya sa kalibutan, hinonoa gipili ko kamo gikan sa kalibutan, ang kalibutan nagadumot kaninyo.

Juan 16:2b, 3

Sa pagkatinuod, ang panahon moabut na nga ang magapatay kaninyo magadahum nga naghimo siyag masimbahong pagalagad sa Dios. Ug kini ilang

pagabuhaton tungod kay wala man sila makaila sa Amahan, ni kanako.

Buhat 14:22b

Ug nanag-ingon nga kinahanglan managsulod kita sa gingharian sa Dios pinaagi sa daghang mga kasakit.

2 Timoteo 3:12

Sa pagkatinuod pagalutoson gayud hinoon ang tanan nga nagatinguha sa diosnon nga pagkinabuhi diha kang Cristo Jesus.

Juan 16:33b

Dinhi sa kalibutan aduna kamoy kagulangan; apan sumalig kamo, gidaug ko na ang kalibutan.

Isaias 41:10

Ayaw kahadlok, kay ania ako uban kanimo; ayaw pagtalaw, kay ako mao ang imong Dios; palig-onon ko ikaw; oo, buligan ko ikaw; oo, ituboy ko ikaw sa toong kamot sa akong pagkamatarung.

Salmo 91:11, 23:4a

Kay siya magasugo sa iyang mga manolonda sa pagtan-aw kanimo, sa pagbantay kanimo sa tanan mong mga dalan. Oo, bisan magalakaw ako latas sa walog sa landong sa kamatayon, ako walay kahadlok sa bisan unsa nga dautan; Day ikaw nagauban kanako.

Hebreohanon 13:6

Busa makaingon kita nga masa-

ligon, Ang Ginoo mao ang akong magtatabang, dili ako mahadlok; unsa may arang mabuhat kanako sa mang tawo?

Salmo 27:10

Kong ako pagabiyaan sa akong amahan ug sa akong inahan, unya si Jehova ang magadawat kanako.

Filipos 4:13, 19

Mahimo ko ang tanang butang pinaagi kaniya nga nagapalig-on kanako. Ug ang tanan ninyong kanahanglanon igahatag kaninyo sa akong Dios sumala sa iyang mga bahandi sa himaya diha kang Cristo Jesus.

## **46 Ang Kadaugan Batok Sa Sala Ug Ni Satanas**

**1 Corinto 10:13**

Kaninyo walay nakaabut nga bisan unsang pagpanulay nga dili maantus sa tawo. Ang Dios kasaligan, ug dili niya itugot kamo nga pagapanulayon sa labaw sa inyong kaarangan, apan uban sa pagpanulay siya magatagana usab ug lutsanan sa paglikay, aron kamo makahimo sa pagantus niini.

**Hebreohanon 4:16**

Sa ingon niana, uban sa pagsalig manuol kita sa trono sa grasya, aron makadawat kitag kaluoy ug makakaplag kitag grasya nga makatabang kanato sa panahon sa pagpanginahanglan.

**1 Juan 1:7**

Apan kon kita magalakaw diha sa kahayag, maingon nga siya anaa sa kahayag, nan, kita may pakig-ambitay ang usa sa usa, ug ang dugo ni Jesus nga iyang Anak nagahinlo kanato gikan sa tanang sala.

**Santiago 4:7**

Busa magpasakop kama nga masinugtanon sa Dios; apan sukli ninyo ang yawa, ug kini siya mokaratil pagdalagan gikan kaninyo.

**Salmo 119:11**

Sa akong kasingkasing ginatipigan ko ang imong pulong, aron dili ako makasala batok kanimo.



## Ang Matuod Nga Pag-ampo Maoy Pakig-ambitay 47 Uban Sa Dios

Sa diha nga ikaw moingon: Pangitaa ninyo ang akong nawong; ang akong kasingkasing miingon kanimo: Ang nawong nimo, Oh Jehova, ang pagapangitaon ko.

—Salmo 27:8

Sumalig kamo kaniya sa tanan nga panahon, kamo nga katawohan; Ibubo ninyo ang inyong kasingkasing sa atubangan niya: Ang Dios mao ang dalangpanan alang kanato.

—Salmo 62:8

Kong sa akong kasingkasing nagapalandong ako sa kadautan, ang Ginoo dili magapatalinghug kanako: Tungod sa gugma sa imong ngalan, Oh Jehova, Pasayloa

ako sa akong sala, kay kini hilabihan pagkadaku.

—Salmo 66:18; 25:11

Luwasa ako, ug ako mamaluwas: kay ikaw mao ang akong pagdayeg.

—Jeremias 17:14b

Pag-ampo kamo sa walay paghunong, pagmapasalamaton kamo sa tanang higayon; kay kini mao ang pagbuot sa Dios diha kang Cristo Jesus, alang kaninyo.

—1 Tesalonica 5:17, 18

Kon kamo pabilin kanako, ug ang akong mga sulti pabilin kaninyo, pangayo kamog bisan unsa nga inyong gusto, ug kini pagabuhaton alang kaninyo.

—Juan 15:7

1 Tesalonica 4:16, 17

Kay ang Ginoo gayud mao ang manaug unya gikan sa langit inubanan ug singgit sa pagsugo, ug sa tawag sa punoan sa mga manolunda, ug sa tingog sa trumpeta sa Dios. Ug unya ang mga nangamatay diha kang Cristo mouna sa pagpamangon; ug kita nga mga buhi pa nga mahabilin, pagsakgawon ngadto sa mga panganud uban kanila sa pagsugat sa Ginoo diha sa kahanginan; ug sa ingon niini kita magapakig-uban na sa Ginoo sa tanang panahon.

2 Corinto 7:1

Sanglit nakabaton man kita niining maong mga saad, mga hini-

gugma, hinloan ta ang atong kaugalingon sa tanang kahugaw sa lawas ug sa espiritu, ug hingpiton ta ang pagkabalaan diha sa atong pagkahadlok sa Dios.

1 Juan 2:28

Ug karon, mga anak ko, pabilin kamo diha kaniya, aron nga sa igapadayag na siya unya, kita may pagsalig ug dili maulaw kaniya inigabut niya.

Lucas 12:40

Kamo usab kinahanglan mangandam, kay ang Anak sa Tawo moabut sa takna nga wala ninyo hunahunaa.

## Pagpapuno Sa Espiritu Santo

Bumalik kamo sa akong pagbadlong: Ania karon, ibubo ko ang akong espiritu sa ibabaw ninyo; akong ipahibalo ang akong mga pulong kaninyo.

—Proverbio 1:23

...Paghinulsol kamo, ug pagbautismo kamo ang matag-usa kaninyo sa ngalan ni Jesu-Cristo tungod sa kapasayloan sa inyong mga sala; ug madaawat ninyo ang gasa nga Espiritu Santo. —Mga Buhat 2:38b

Ug ayaw kamo pagkahubog ug bino, kay kana maoy pagpatuyang; kondili magpapuno hinoon kamog Espiritu... nga

sa kanunay magpasalamat kamo sa Dios Amahan tungod sa tanang mga butang, sa ngalan sa atong Ginoong Jesu-Cristo. Magpinasakopay kamo nga masinugtanon ang usa sa usa ingon nga pagkataha kang Cristo. —Efeso 5:18-21

Wala ba kamo masayud nga kamo templo sa Dios ug nga ang Espiritu sa Dios nagapuyo diha sa sulod ninyo? kay gipalit na kamo sa usa ka bili. Busa himayaa ninyo ang Dios diha sa inyong lawas.

—1 Corinto 3:16; 6:20

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.  
**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)

Dili ibaligya

[www.wmpress.org](http://www.wmpress.org)

3-18

1503 Cebuano HKG